



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

# MOELETSI OA BASOTHO

PARARE DOMINO PLEBEM PERFECTAM



Lipalo tsa tšoaetso  
lia phahama

6


Sechaba se imona  
monoana

7



# LEKHOTLA LE QHALA NYEOE

www.moeletsioabasotho.co.ls



Re se re fumaneha ho  
marangrang

Email: newsroom@moeletsioabasotho.co.ls  
Tel: +266 28350466/ Whats app: 62600983

# MOELETSI

## Lesotho le'a iteka

# Mazenod Institute 'mokeng

**Tšelis Thakholi**

Naha ea Lesotho, joaloka linaha tse ling tse ntseng li thuthuha, ha le itheke moroalo, le kheme le linako joaloka ka tse ling. Taba ena ea tšilafalo ea sepaka-paka e kotsi haholo, hobane e tliša liphetho tse ngata, tseo tse ling tsa tsona li amang bophelo esita le phetoho ea boemo ba leholimo. Ho se ho etsahala lintho tse ngata tse sa tloaelehang, ke mocheso o mongata, komello, lipula tsa likhohola le meea e matla. 'Me boemo bona bo ama le temo, haholo ho batho ba phelang metseng e mahaeng ba iphilisang ka eona.

Mosi ke e 'ngoe ea ntho e silafatsang sepaka-paka, haholo oa likoloi. Ka hona ho se ho e-na le likoloi tsa motlakase, 'me tseo re lebeletseng hore li tlii' o fokotsa taba eo. Li tli' o boele e fokotsa tšilafalo ea tikoloho, etsoe le litjeo tsa mafura li nyoloha ka mokhoa o phahameng haholo. Likoloi tse sebelisang mafura li beha khatello e kholo tikolohong.

Ha se khale haholo ha ho ne ho eketsoa baahloli ba Lekhotla le Phahameng, 'me ke mona ba bararo ba qeta ho nka kano. Ke litaba tse monate tse na hobane hona ho bontša hantle hore Makhotla a tla sebetsa, toka e ajoe, batho ba ahloloe, le hona ho fuoa likotlo tse lokelang. Ha ho sa tla ba le linyeoe tse sisinhang ka makhotleng.

Moahloli e Moholo h'a ba laea a re ba nkile kano ea mosebetsi, 'me ba itlama ho sebeletsa sechaba le ho sireletsa molao. A re moahloli o fapane le 'muelli oa molao, ka hona ba se sebetsa ka ho nka lehlakore empa le taolo e tiileng, hobane sechaba se behile tšepo ea sona makhotleng hore a abe toka. Haele mona baahloli ba eketsehile, re na le tšepo e tiileng hore ba tla sebetsa ka thata ho netefatsa hore linyeoe li phetheloa ka nako e loketseng molemong oa sechaba. Tsoelang pele ho sireletsa toka le ho hlompha molao.

Ho thoe o roalle le sa sele, kapa o se ahe serobe phiri e se e jele, sebetsang le sa fihla baeti hobane tsa mokhathala ha li tsejoe. DMA e se e qalile ho etsa meralo le boithopho ba hore ha likoluoa li hlaha ka tšohanyetso ba tla tsoa ka le feng lekhalo. Taba eno kea bohlokoa hore ba lule ba falimehile ka linako tsohle. Jaole taba e 'ngoe ke ena ea ho fana ka thuto sechabeng, haholo seo hangata se amehang, se phelang metseng ea mahaeng.

Monamoli o tšoare ka thata ho bona hore lintho li tsamaea hantle ka hohle-hohle, moo mahlakore a mabeli a sa shebeleng litaba 'moho. Sechaba sa Mokhotlong se anngoeng ke morero oa letamo la Polihali tlas'a LHDA, ba bang ba se ba fumane matšelisano a bona.

Empa sechaba ha se ke be se khotsofale kaofela. Khatelo pele eo LHDA e seng e o fihletse ke ea ho lefa matšelisano amanang le masimo le mabitla. Re khothaletsa hore morero le mekhatlo e Ikemetseng e be le lipuisano le ba amehang, haholo ho fana ka thuto le ho sebelisa tse ling tsa lithala joaloka ka likoranta le li-ea-le-moea, ho beha schaba leseling khafetsa.

Sechaba se ba lefifing nako e telele, kapa hona ho hloka kutluiso ea tlhahiso-leseling e sa fihleng ka nako. Re khothaletsa mokhoa oa kabo ea matšelisano e potlakiso le hoba pepeneng haholoanyana, e le ho qoba linyeoe tsa ka makhotleng tse sa feleng.

Hore nyeoe e kene ka lekhotleng ke hobane mapaki a feletse, lekhotla le ikhotsofalitse hore nyeoe e joalo e ka tsoela pele. Empa ka nako e 'ngoe motho a ka retila nyeoe ea moro-metsi hobane feela a e-na le lithahasello tse itseng. DCEO e nkile likhoeli tse hlano kaofela ho etsa lipatlisano tsa nyeoe. Na sechab sa Basotho se tla ba le tšepo ho DCEO? Che re sa li tlohela re tla li bona mohla kotulo.

Hobonahala lipalo tsa tšoaetso ea HIV li ntse li nyoloha haholo ho bana ba banana. Re ipiletsa ho bo-ntate ba banang le likamano le bana ba banana ba emise litaba tseo tse litšila. Batsoali ba Setereke sa Thaba-Tseka le Qacha's Nek khaotsang ho qobella bana ba lona ba banana hore ba nyaloa ba le banyenyane lilemong hobane fela le shebile ho tla ja. Le senya bokomoso ba bana bao, Kheleke!

**B**asebeletsi ba Kampani ea Mazenod Institute ka mafapha a eona a mane ba bile 'mokeng o akaretsang oa selemo le selemo, ka sepheo sa ho hetla morao ho hlahloba hore khoebob e ntse e sebetsa joang, kamor'a ho kopana le bothata bo boholo ba khaello ea lichelete, ho thakelana ka malebela liqholotsong tseo, le ho thusana ka mahlale a hore ba lokela ho ea pele joang. 'Moka ona oa letsatsi le le leng o bile Setsing sa Liboka sa Maoblata, Mazenod, ka la 25 'Mesa monongoaha.

'Moka ona o ne o batla o fapane haholo le oa lilemo tse fetileng, kaha batsamaisi ba mafapha ohle a bopileng Kampani ena e leng la Thekiso ea Libuka, Moroko, Khatiso le Moeletsi oa Basotho, ha b'a ka ba fana ka litlaleho tse bontšang kholo kapa ho kikitela ha mafapha a bona, kaha ho sa ka ha e-ba le chelete joaloka kamehla e abeloang lefapha ka leng bakeng sa ho etsa tšebetso ea ona ea ho fihlela meoloane e itseng.

Mookameli-Kakaretso oa Kampani ea Mazenod Institute Fr. Stephen Molefi OMI o supile hore 'moka ona o akaretsang oa selemo ke sekhumetso se akaretsang tšebetso ea hore ho sebelitsoe joang selemong se fetileng, le hore ho tsoeloa-pele joang. A re leha kampani e ne e sesa kahar'a mathata a lichelete ngoahola, tšebetso e bonahetse e batla e ntlafetse. A bontša hore ka lebaka la maemo a boima ao Kampani e bileng



kahar'a ona, basebetsi ba bangata ba ile ba itokolla, ha ba bang ba ile ba ea phomolong.

"Ha hona motho le ea mong eo ke ileng ka mo leleka, kaofela ha bona ba ile ba itokolla ho fihlela hajoale ha re setse re le 72. Ha hona batho ba bacha ba ileng ba hiroa hobane ho ne ho se na chelete." O boletse joalo a bile a eketsa ka hore taba ena ha e mo jese litheohelang, kaha kampani e lokela hore e hole ebe le chelete e tsebe ho eketsa basebetsi. A thoholetsa le ho leboha bohle ba ileng ba oa le ho tsoha le kampani linakong tse thata tse ntseng li e-s'o ee moriting, le hoja leseli le lenyenyane le batla le bonahala pejana moo ba eang.

O itse ngoahola kampani e qalile selemo e se na chelete empa ka tšebeliso 'moho le basebeletsi bohle ba eona, o ile atleha ho lefa e meng ea mekoloto e mehoro eo kampani e neng e tobane le eona, le hoja e ntse e-s'o fele. "Ka thoko le mekoloto e meng e mengata, re ntse re e-na le mekoloto ea batho ba

ileng phomolong e ka holimo ho chelete e kaalo ka M2Milione eo re lokelang ho e lefa." O boletse joalo a bile a phaella ka hore har'a tse ling tsa lintlafatso tseo ba tlii' o li etsa ke ho tla kenya litfo tsa mashala bakeng sa ho bona hore basebetsi ba sebetsa ba futhumetse nakong ena ea Mariha le mechini ea ho futhumatsa lijo.

A re liphetho tse ngata tse tlii' o ba ngata kampaning tse kenyeletsang; ho koaloa ha a mang a mafapha ao a hlalositseng a bonahala a sa sebetse hantle, le hoja a itse a mang a ona batla qala ho a aha bocha ka mokhoa o ntlafetseng. A re ho tla boela ho eba le likoetliso mafapheng a fapakaneng ka sepheo sa ho matlafatsa litsebo tsa basebetsi, e le ho ba thusa ho etsa mosebetsi o tsoileng matsoho tšebetsong ea bona.

A qetella ka ho phatlalatsa leano le lecha la tšebetso le tlang ho kena tšebetsong hang ha botsamaisi ba kampani bo le ananetse. Leano le kenyeletsa har'a tse ling mekhoha e mecha ea khiro, boitšoarobane ba basebetsi, sepheo sa kampani, tsamaiso le hore na kampani e bopiloe joang ho tloha ho botsamaisi ho ea fihla tlaase. A ipiletsa ho basebetsi ho etsa tlatsetso moo ebang leano lena le na le likhaello.

Lebitsong la basebetsi, Mofumahali 'Mamahase Thebane, o thoholelitse le ho leboha tšebetso ea selemo se fetileng, le hoja ho sa ka ha eba bonolo empa e bile feela ka maqiti le maqheka a khoebob. A leboha basebetsi bohle ba ileng ba mamella le ho tsamaea kahar'a maemo a bileng boima haholo, a ba kopa ho tsoelapele ka matla a maholo ho bona hore Kampani ena e'a hola, molemong oa bona le malapa a bona.



**MOLIMO A BOLOKE LESOTHO LE BASOTHO**

Contacts: +266 28350 466

62600983 WhatsApp

Email: [newsroom@moeletsiobasotho.co.ls](mailto:newsroom@moeletsiobasotho.co.ls)

Sales and Marketing: (+266) 28 350 466/ 57396597 (WhatsApp)

**MOELETSI oa BASOTHO**

A LOKHETSE MORENA SECHABA SE PHETHELENG (LUKE 1, 17)

EMAIL: [editor@moeletsiobasotho.co.ls](mailto:editor@moeletsiobasotho.co.ls)

[sub-editor@moeletsiobasotho.co.ls](mailto:sub-editor@moeletsiobasotho.co.ls)

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

# Baahloli ba nka kano

## Nthabeleng Seithleko

**M**oahloli e Moholo, 'Matankiso Nthunya, o nkisitse baahloli ba bacha ba bararo kano Lekhotleng la Boahloli la Maseru, 'me a ba khothaletsa ho phetha mosebetsi oa bona ka toka, botšephe le botsebi. Tsena li bile ka la 27 'Mesa monongoaha.

Baahloli Sekoati Hlophe, Letlatsa Letompa le Thabo Chechela ba nkile kano ea mosebetsi, 'me ba itlama ho sebeletsa sechaba le ho sireletsa molao.

Puong ea hae, Moahloli Nthunya o hatelletse hore mosebetsi oa moahloli o fapane le oa 'muelli oa molao, a kopa baahloli ba na ba bacha ho sebetsa ka ho se nke lehlakore le ka taolo e tiileng, hobane sechaba

se behile tšepo ea sona makhotleng hore a fane ka toka.

A ba eletsa hore ba boloke botsebi ka linako tsohle, haholo ha ba fana ka likahlolo le likotlo, a ba lemosa ho qoba ho arabela maikutlo a sechaba kamor'a ho etsa liqeto.

Nthunya o ile a boela a ba lemosa ka tšebeliso ea mecha ea litaba tsa sechaba, a re maikutlo a batho leha a ka ba matla, h'a lokela ho susumetsa boitšoarō ba moahloli.

O ba khothalelitse ho lula ba tsepamisitse maikutlo mosebetsing, ba sebetse ka botšephe, 'me ba se ke ba inehela khatellong ea ho araba nyatso, a totobatsa bohlokoa ba boitšoarō bo botle.

A boela a ba eletsa hore ba hlokomele batho bao ba ikopanyang le bona, ba qobe libaka tse sa lokelang tse kang matlo a mothamahanane, 'me ba itšoare ka



mokhoa o tšoanelang maemo a bona.

Ho feta moo, o ba khothalelitse ho ba le mamelelo le boikemisetso, le ho etsa liqeto tse nepahetseng ka linako tsohle, a re ba qobe mekhoe e ka senyang seriti sa bona.

Moahloli Nthunya o

bontšitse tšepo hore ho kenngoa ha baahloli ba bacha ho tla thusa ho fokotsa tiehiso ea linyeoe e bakilong ke khaello ea basebetsi makhotleng.

Qetellong o khothalelitse baahloli ba na ho sebetsa ka thata ho netefatsa hore linyeoe lia phethoa ka nako

e loketseng molemong oa sechaba.

Baahloli ba bararo e leng Sekoati Hlophe, Letlatsa Letompa le Thabo Chechela ba kentsoe ka molao mosebetsing Lekhotleng la Boahloli ka sepheo sa ho sireletsa toka le ho hlomphe molao.

# Lesotho le amohela bokamoso

## Nthabeleng Seithleko

**M**orero oa MaZero, o reretsoeng ho khothaletsa mekhoe e tsitsitseng ea lipalangoang le ho fokotsa khase e silafatsang tikoloho Lesotho, o ile oa tšoareloa kopano Maseru ka la 24 'Mesa monongoaha, ke Lekhotla la Mekhatlo e Ikemetseng (LCN) ka tšebeliso le balekane ba fapakaneng.

Morero ona o phethahatsoa ke Setsi sa Lipatlisiso tsa Matla sa Sekolo se Seholo sa Sechaba (NUL-ERC) tlas'a sehlooho se reng, "Ho leka tšebeliso ea matla a nchafatsoang ho tsamaisa likoloi tsa motlakase Maseru ho fokotsa tšilafalo ea tikoloho lekaleng la lipalangoang."

Mohokahanyi oa Komisi ea Bophelo, Thuto le Ntšetsopele ea Sechaba ho LCN, Sebatso Ntlamelle, o hlalositse morero oa MaZero e le oa bohlokoa haholo nakong ena eo mathata a tikoloho a ntseng a eketseha.

O bontšitse hore tšebeliso e ntseng e hola ea likoloi tse sebelisang 'petrol' e beha khatello e kholo tikolohong, a lemosa hore Lesotho le se ntse e tobane le mathata a matla a amanang le pheto-

ho ea maemo a leholimo.

O itse lipheto tse na li se li bonahala ka ho hlaka, ho kenyeletsa ho phahama ha mocheso, pula e sa tsitsang le komello e eketsehileng, tse amang temo le poloheho ea lijo, haholo-holo metseng ea mahaeng e iphelisang ka temo.

Hape o ile a supa hore ho senyeha le ho hoholeha ha mobu ho ntse ho mpefala, ho fokotsa mobu o loketseng temo le ho beha

bile ho sa fetoheloe ho marang-rang, mathata ana a tla mpefala.

Ka lehlakoreng le leng o itse morero oa MaZero o ka thusa ka ho phahamisa tlhokomeliso le ho khothaletsa tharollo e kang tšebeliso ea likoloi tsa motlakase, ho fokotsa theko ea mafura.

Mookameli e Moholo oa 'Technologies for Economic Development' (TED), Mantopi Lebofo, o boletse hore Leano la Lipalangoang la

tikoloho. Ho ea ka eena, Lekala la Lipalangoang le bile le keketseho e ka bang 2.5% ka selemo, pakeng tsa 2000 le 2009, ho bontša hore le Kenya letsoho haholo ho tšilafalo ea khase e futhumatsang lefatše. O hatelletse hore maano ana a khothaletsa likoloi tse bolokang mafura hantle le tšebeliso ea mahlale a tala ho fokotsa tšilafalo.

Setsebi sa matla ho NUL-ERC, Moruti Kao, o hlalosi-

matla, ha sebaka sa ho chaja se hokahanya koloi le mohloli oa motlakase, 'me DC converter e laola motlakase hore o sebeliso hantle kahar'a koloi. A boela a bua ka mofuta ea mekhoe ea ho chaja, e kang ea ka thapo le ea se nang thapo, ho kenyeletsa le ho chaja ka potlako le ka butle.

Qetellong Kao o bontšitse hore Lesotho le ntse le le qalong haholo tabeng ea e-mobility, kaha ho na le li-



bokamoso ba naha kotsing.

Ntlamelle o tiisitse hore phetoho ea maemo a leholimo ha se taba ea tikoloho feela, empa e ama moruo le sechaba, e eketsa bofuma haholo-holo ho batho ba seng ba ntse ba le tlakotsing. O re ha ho se mehato e hlakileng ea ho fokotsa likhase tse silafatsang, ho

Lesotho la 2014 le 'Nationally Determined Contributions' (2021) li reretsoe ho khothaletsa tšebeliso e sebetse ea matla lekaleng la Lipalangoang.

O boletse a re Leano la Naha la Phetoho ea Maemo a Leholimo la 2017 le tšehetsa ho fetohela ho lipalangoang tse sa silafatseng


tse hore e-mobility ke tšebeliso ea likoloi tsa motlakase ho tsamaisa batho le thepa, ka sepheo sa ho fokotsa khase e kotsi tikolohong. O itse mofuta ea likoloi tsa motlakase e kenyetse Li-koloi tse kopanyang 'ptero' le motlakase (HEVs)

O ile a hlalosa hore leshala ke lona le fanang ka

koloi tsa motlakase tse ka bang tharo feela, 'me libaka tsa ho chaja li ntse li fokola.

O itse hajoale libaka tse teng tsa ho chaja li fumaneha Roma le Setsing sa Thuto e Tsoelang Pele (IEMS) Maseru, e leng mehato ea pele ea ho amohela maraang-rang a ntlafetseng naheng ena.

# MOELETSI O TŠEHETSA BACHA



litabeng tsa khoebo, 'me ea ba li'a hola. Ke boetse ke ngotse le ho khothaletsa batho haholo ka mekhoha le meetlo, ke e kopantse le meqoqo le liketsahalo tsa letsatsi ka leng tse etsahalang metseng le met-saneng ea habo rona.

## BUKA EA BOBELI

Ha joale ke ngotse e bitsoang 'Shadows of the Fifth Year' e leng ea moqoqo. Ka bokhutšoanyane e bontša hore motho ka mong o ile a fumana liqholotso bophelong ba hae a sa le monyenyanane, tse kang tsa ho bona batsoali ba hae ba phela ka thata empa ka lebaka la bonyenyane a sa utloisisi hantle se etsahalang. Empa h'a se a holile e ne e le ntho e mo bulang mahlo ho bona hore ha hona le ntho e itseng lelapeng le leng, ke bopaki ba hore le hula ka boima bophelong ba letsatsi ka leng. Buka ena e boetse e bontša hore liketsahalo tsena li bopa sechaba sa mofuta ofe.

## LIKATLEHO LE LIQHOLOTSO

Leha likatleho li bile teng ha ho tsela e se nang moempa. Qholotso e kholo ke ea hore ke nkile nako e telele ho ngola libuka tsena tse peli hobane ho ne ho e-na le mesebetsi e mengata eo ke ntseng ke e etsa. E kholo ka ho fetisisa ke hore ho boima haholo bakeng sa ho lefella libuka tsena hore li hatiso. Khatiso ea libuka e boima haholo, 'me ke se ke etsa thapeli ho batho bohle ba boithatelo bo botle ho etsa

letsoho la monna.

## THEKISO

Buka ea 'Echoes of Excellence' e fumaneha lebenkeleng la Lifestyle Book Stores Setsing sa Mabenkele sa Pioneer Mall ha ena ea 'Shadows of the Fifth Year' e fumaneha ho 'na ka kotloloho, 'me bacha le batho ba baholo ba ka e hlo-kang ba ka letsetsa Atang Raliile Author ho 5744 5558. E be feela ka theko le theki-setsano ea libuka.

## TORO

Ke laba-labela hore batho ha ba rekile libuka tsa ka haeba e le e buang ka litaba tsa bofuma le khoebo, molaetsa oa eona o fele o bonahale ka liketso a phele ka ona, e se ke ea eba ntho e ngotsoeng feela, e se ke ea fetoha lipuo le mongolo feela o monate o sa ba tsoeleng molemo. Hoba ka mehla re bala libuka, 'me o tla fumana molaetsa o ntse o tšoana, e leng o fanang ka thuto le bophelo bo botle ho sechaba.

## KELETSO

Bacha ha ba sebelisa litalenta tsa bona ka nepo ba ka tseba ho phela le ho phelisa ba bang. Ke kopa 'muso hore le oona o kenye letsoho le toma ho matlafatsa litalenta tsa bacha ka ho ba tšehetsa ka mekhoha ea hore ba tsebe ho itšoarella ka matsoho bophelong ba bona, ba se lebelletse haholo ho hiroa empa ba ntse ba e-na le litalenta tseo Morena Molimo a ba fileng, ba ka phelang ka tsona.

## Tšeliso Thakholi

**A**tang Raliile ke mocha ea ikakhetseng ka setotsoana ho holisa talenta ea hae ea ho ngola libuka tsa lithothokiso ka puo ea Sekhooa. O se a e-na le libuka tse tharo. Ea pele ke e bitsoang 'Poetry-anthology'.

Ea bobeli ke 'Echoes of Excellence' e ileng ea hatisoa ka 2024, ea boraro ke 'Shadows of the Fifth Year' e ileng ea ngoloa ka Tšitoe ngoahola, 'me ea khakoloa ka la 24 Motšeanong monongoaha. O li beha joana:

## BONGOLI KE TALENTA

Hoba sengoli ho 'na ke talenta eo Morena Molimo a mphileng eona hobane e sa le ke qala ho ngola ho tloha ha ke ntse ke le Sekolong sa Mathomo sa New Melinium, e le ha ke etsa sehlopha sa boraro ho fihlela sa bosupa. Empa ke qalile pele ka ho ba setaki, kene ke etsa matlo a matle haholo le lintho tse ling tse ngata. Ha ke qala ho ngola ke ne ke ngolla barutoana ba bang mosebetsi oa sekolo, ho tloha ha ke le sepho-pheng sa bohloano, nakong eo ba neng ba etsoa ka li-

hlopheng tsa bona.

Ke hona moo kholo ea talenta ea ka e ileng ea thomaha hona teng. Ke ile ka fetela Sekolong se Phahameng sa St. Boniface, Maputsoe, moo ke ileng ka qala ho ru-toa puo ea Sekhooa ka botebo, ka ho ngola lintho tse kang mangolo, meqoqo le mekhahlelo e fapakaneng ea ho ngola puo ea Sekhooa. Sena se ile sa matlafatsa le ho holisa lerato la ka la ho ngola, 'me ka ipabola haholo ka bongoli bo tsoileng matsoho.

Litichere tsa ka li ile tsa ntataisa le ho ntlhokomelisa hore kena le talenta. Ka qala ho tsepamisa maikutlo a ka tabeng ena ea ho ngola ho fihlela ke qeta Sekolong se Phahameng sa St. Boniface. Ka thuso le tataiso ea litichere tsa ka ke ile ka hlokomela hore ka talenta ena ea ka ea ho ngola bophelo bo teng. Ka ba le morero oa hore ke e fetisetse ho batho ba bang ka puo e monate ea Sekhooa.

## BUKA EA PELE

Buka ea pele ke ea lithothokiso e bitsoang 'Poetry-anthology'. Ka ngola le e bitsoang 'Echoes of Excellence' eo ke ileng ka qala ho fuoa maemo a hoba sengoli sa libuka. Buka ena e ile ea ratoa le ho baloa haholo kahar'a naha, le hoja ho ntse ho e-na le litloaelo tsa Basotho ba ratang ho bala

haholo libuka tsa linaha tse ling. Libuka tsa rona li ntse li e-s'o fumane tšehetso e lekaneng ho tsoa ho sechaba sa habo rona. Empa ke nahana hore mona re le lingoli tsa libuka re ntse re lokela ho ithahloba ho bona hore bothata bo hokae.

## MOLAETSA OA BUKA

Ke ne ke ngotse haholo-holo ka bacha ba ileng ba ithukhubetsa haholo



# Nyeoe e'a qhaloa

## Nthabeleng Seitlheko

**S**etsi sa Thibelo le Taolo ea Bobolu le Bome-mene (DCEO) se re se ntse se etsa lipatlisiso ho fumana mohlanka oa sona, eo e leng mochochisi, ea belaeloang hore o nkile karolo ho qhaloeng ha nyeoe eo setsi se neng se e hlahletse khahlanong le Mokhethoa oa Lebatooa la Peka, Mohopoli Monokoane, ka khoebo ea hae le mohiruo oa hae.

Mookameli-Kakaretso oa setsi, Adv. Brigadier General Mantšo Sello, o re 'me-

Tšitoe selemong se fetileng. Adv. Sello o re nyeoe e ile ea buloa kamor'a monyenetsi oa hore Monokoane o nkile manyolo a 'muso, ao khoebo ea hae e neng e hiriloeng ho a tsamaisa ho tloha moo a rekiloeng teng ho ea polokelong Ha Foso. Nyeoe e ne e lebisitsoe ho eena, khoebo ea hae le mohiruo oa hae. Ho ea ka Sello, mohiruo oa belaeloa hore ke eena ea neng a khelosa koloi e tsamaisang manyolo, a bontša sebaka seo a tla laolloa ho sona.

O boetse a re Monokoane o ile a lefa mokhahlelo oa pele oa manyolo ha ho fumanoa hore o a nkile,

ho ea lekhotla e nyametse, empa ho ile ha beoa letsatsi la 26 Phato hore nyeoe e tsoele pele.

Leha ho le joalo, ka Tšitoe nyeoe ha e'a ka ea kena lekhotleng, 'me tlaheho ea re e qhaliloe hobane ho bonahala setsi se lahlehetsoe ke thahasello.

Sello o re h'a botsa mochochisi ea ikarabellang nyeoeng, o ile a bolelloa hore nyeoe e ne e behetsoe matsatsi a la 11 le la 12 Tšitoe, eseng letsatsi la pele joalo ka ha ho ne ho tlaeliloe.

Ho ea ka tlaheho ea mochochisi, o ile a ea lekhotleng h'a utloa taba ena, moo a ileng a kopana le 'muelli

tse hlano, 'me nakong eo sa kenya kopo ea ho qholotsa geto ea lekhotla ea ho qhala nyeoe.

Leha ho le joalo, lipatlisiso li fumane hore mabaka ao setsi se neng se ipapisitse ka ona h'a nepahala. Bopaki bo bocha bo bontša hore nyeoe e ne e behetsoe letsatsi la pele Tšitoe 2025, ho fapana le seo mochochisi a neng a se boletse.

Ho feta moo, ho belaeloa hore mochochisi a ka be a nkile karolo tabeng ena, ke ka lebaka leo a seng a kopiloeng ho fana ka mabaka a hore na ke hobaneng a ke keng a nkeloa mehatoto ea molao, kapa hore ke hobaneng Mokhatlo oa Li-

ka mabaka a macha a fapaneng le ao se neng se fane ka ona pele.

Litaba tsena li latela hore ka la 27 'Mesa monongoaha, Setsi sa Thibelo le Taolo ea Bobolu le Bome-mene (DCEO) se ntše phatlalatso hore se hula ka molao kopo ea sona ea ho kopa tlhahlobo Lekhotleng le Phahameng, nyeoeng ea Mokhethoa oa Peka Mohopoli Monokoane le bang (CRI/T/MSU/1097/24).

DCEO e re geto ena e latela liphuputso tse nkileng likhoeli tse hlano ho tloha ka Tšitoe 2025 ho isa 'Mesa 2026. Liphuputso tsena li bontšitse hore kopo eo e ne e e-na le bofokoli bo tebileng, kaha e ne e ipapisitse le lintlha tse fosahetseng, tse khelosang le tse hlahisitsoeng ka mokhoa o sa nepahalang ke



laelloa ke mosali ea lilemo li hakanyetsoang ho 50, ea qalileng ho sebetsa setsing sena ka selemo sa 2022, a tsoa lefapheng la lihlapiso (NMDS).

O hlahositse hore nyeoe eo e neng e kentsoe Lekhotleng la Maserata Maseru, e ile ea huloa kamor'a hore mabaka a neng a e tšehetsa a fumanoa e se a 'nete, kamor'a lipatlisiso tse nkileng likhoeli tse hlano ho tloha ka

empa hamorao a boela a nka mokhahlelo oa bobeli ntle le tefo. Mokhahlelo oo o hakanyetsoa ho M70, 000.00, 'me ho boleloa hore o ne a sa tšoanelehe ho fumana manyolo ka theko e nyehlisitsoeng.

Tlhaloso e re litaba tsena li etsahetse ka selemo sa 2024, 'me nyeoe ea tsoela pele ho fihlela Motšeanong 2025. Ka nako eo, setsi se ile sa tsebisoa hore tla-

oa baqosuo ea ileng a mo tsebisa hore lekhotla le laetse hore nyeoe e tsoele pele letsatsing leo thapama.

H'a kena kahar'a Lekhotla, 'Maserata o ile a mo hlokomelisa hore nyeoe e ne e hlile e behetsoe letsatsi leo la pele Tšitoe. H'a kopa tlaheho ea lekhotla, o ile a fumana hore ho na le maqhephe a haellang. Sello o re setsi se ile sa qala lipatlisiso tse nkileng likhoeli

akhente oa Lesotho o ke keng oa lokela ho mo hla-kola lenaneng la liakhente. Sello o re haeba 'melaelloa a ka fumanoa a le molato, a ka lelekoa mosebetsing ho latela molao oa thibelo le taolo ea bobolu le bome-mene.

Qetellong o re setsi se ntse se itokisetsa ho khutlisetsa kopo ea sona lekhotleng ho hanyetsa geto ea ho qhaloa ha nyeoe, empa

mochochisi ea neng a ikarabella nyeoeng.

Setsi se boetse se totobalitse hore ha se nke taba ena habobebe, kaha e tla be e sentse tšepo ea sechaba ho sona. Se ile sa tiisa boitlamo ba sona ba ho hlomphe boikemelo le botšephehi ba makhotla, hape sa netefatsa hore se tla tsoela pele ho loantša bobolu ka botshepehi le ka botsebi, ntle le tšabo kapa leeme.

# Lipalo tsa tšoaetso li'a phahama

## Nthabeleng Seitlheko

**M**olula-Setulo oa Komiti ea Bophelo, Phepo le Bophelo bo Botle, setho sa Ntlo ea Senate Mofumahali Makholu Moshoeshe, o hlalishitse tlaleho e matla Paramenteng e bontšang boemo bo nyarosang ba Bophelo ba Thobalano le Tlhaho ea Bana (ASRH) har'a bacha Lesotho. Tsena li hlalellitse tulong ea Ntlo ea Senate, ka la 28 'Mesa monongoaha.

H'a hlalisha tlaleho ena, o boletse hore bacha ba lilemo li pakeng tsa 15 le 19 ba ntse ba angoa haholo ke HIV/AIDS, moo palo ea tšoaetso e ntseng e nyoloha.

O supile khaello ea lichelete le tšebeliso e fokolang sechabeng e le tšitiso tse kholo, haholo-holo libakeng tsa mahaeng moo lita-

ba tsa thobalano li ntseng li nkoa e le tloaelo.

Ho boetse ho na le lekhalo la puisano malapeng, kaha batsoali ba bangata ba sa bue le bana ba bona ka litaba tsena, hoo bacha ba qetellang ba itšetlehile haholo ka likolo bakeng sa tlhahiso-leseling.

Tlaleho e boetse e bontša phapano e kholo ea bong,

moo banana ba amehang haholo ho feta bashanyana, ka lebaka la likamano tsa lerato le batho ba baholo.

Moshoeshe o thoholelitse Lekala la Bophelo ka ho theha "adolescent-friendly corners" litsing tsa bophelo ho thusa bacha ka litšebeliso tsa PrEP, likeletso le thibelo ea bokhachane.

Ka lehlakoreng le leng,

Leboea Khoaele o buile haholo ka tlhekefetso ea banana ke banna ba baholo, a hokahanya bothata bona le bofuma le ho hloka mesebetsi har'a bacha. Bacha ba bangata ba tlakotsing ba lokela ho thusoa.

Boemo ka lipalo tsa 2024–2025, Kakaretso ea batho ba phelang le HIV Lesotho ba ne ba hakanyetsoa

ho 262,000 ka 2024

Ho ea ka mokhatlo oa tantšo le thibelo ea HIV, o supa hore boemo ba HIV ho batho ba lilemo li 15–49 bo hakanylitsoe ho hoo e ka bang 18.5% ka 2023–2024.

Ha Afrika CDC tlalehong ea eona ea 2024 – 2025 e supile hore batho ba baholo ba tšoaelitsoeng ka selemo (15–49) ke 2,700. Mokhatlo oa Tšireletso le Polokeho ea Bana UNICEF o re bana ba 15–19 ke sehlopha se kotsing e phahameng, haholo banana.

Litlaleho tsa naha li bontša hore litereke tse nang le baahi ba bangata joalo ka Maseru, Leribe, Berea li na le palo e phahameng ea batho ba phelang le HIV

Libaka tsa mahaeng joalo ka Mokhotlong, Thaba-Tseka, Qacha's Nek li angoa ke khaello ea litšebeliso le tlhokahalo ea thuto litabeng tsa HIV/AIDS.



## Monamoli o eletsa LHDA

### Nthabeleng Seitlheko

**L**eha ho ntse ho e-na le mathata a itseng, liphuputso li bontša hore morero oa Letamo la Polihali o ntse o tsoela pele ho tliša tšepo, menyetla ea kholo moruong le ntšetsopele ea sechaba, ka nako e tšoanang ho etsoa boiteko ba ho rarolla litaba tsa matšelisano le Litokelo tsa Mantlha tsa Botho.

Ho latela liphuputso tse phatlalalitsoeng ke Monamoli, Adv. Tlotliso Polaki, 'mokeng oa bo-ralitaba oa la 28 'Mesa monongoaha, boholo ba matšelisano amanang le masimo le mabitla a se a lefshuoe, 'me mabitla a ka bang 200 a se a falliselitsoe Tloharebue ka hlomphe. Sena se bontša hore ho na le tsoelo-pele e hlakileng tabeng ea ho hlomphe meetlo le litokelo tsa malapa a ba amehileng.

Leha ho le joalo, ho ntse ho e-na le batho ba saletseng morao, haholo-holo tabeng ea matšelisano a lifate tsa litholoana le masimo. Ba

bang ba fumane matšelisano ka botlalo, ba bang halofo, ha ba bang bona, ba ntse b'a emetse ho tloha ka 2012. Sena se supa bohlokoa ba hore mekhoha ea ho aba matšelisano e potlakisoa le ho behoa pepeneng haholoanyane.

Ho boetse ho hlokomeleha hore ho na le mathata a tšepo lipakeng tsa sechaba, Mekhatlo e Ikemetseng le LHDA, a bakoang ke puisano e sa lekaneng le tlhahiso-leseling e sa fihlileng batho ka nako. Leha ho le joalo, o ananetse boiteko bo etsoang ke LHDA ba ho ntlafatsa puisano le ho kenya letsoho ha sechaba mererong.

Taba ea phalliso ea metse ea Masakong, Ha Tlhakola le Tsekong e se e tla potlakisoa ho latela mae-mo a tikoloho le a bophelo bo amehang. Le hoja sena e le mosebetsi o moholo o nang le mathata a mangata, a kang; ho fumana mobu o loketseng le ho hlomphe litloaelo tsa sechaba, ho bonahala ho e-na le boiteko bo matla ba ho etsa hore tšebeliso ena e etsoe ka seriti le ka toka.

Liphuputso li boetse li bontša hore ho bile le tšusumetso tikolohong, ho kenyeletsa lerole le lerata, haholo nakong ea ho qhomisa mafika. Le ha lerole le sa bonahale le le kotsi haholo libakeng tse ling, leratalona le ile la hlaloso e le le matla haholo. Leha ho le joalo, mehato e se e qaliloe ho fokotsa litlamorao tsena le ho sireletsa bophelo ba baahi.

Ka lehlakoreng la meseb-

etsi, morero o se o thehile menyetla e mengata ea mosebetsi, moo batho ba fetang 3,500 ba hiriloeng, 'me bongata ba bona e le ba Mokhotlong. Sena se bontša tlatsetso e kholo ea morero ho ntlafatseng bophelo ba batho.

Ho sa le joalo, ho khothalletsoa hore mekhoha ea ho sebetsana le litlelebo e matlafatsoe. Ho boetse ho khothalletsoa hore basali ba kenyeletsoe ka botlalo litšebetsong tsa matšelisano, ba se siuoe morao.

Qetellong ho totobatsoa

hore katleho ea morero ona ha e'a lokela ho lekanyetsoa feela ka meaho kapa phepelo ea metsi, empa ka hore ho ntlafatsoa bophelo ba sechaba joang. Ho bohlokoa hore Litokelo tsa Mantlha tsa Botho li lule li le sehlohlolong, 'me sechaba e be karolo ea lipuisano tsohle.

Ka kakaretso leha ho e-na le liphephetso, morero oa Polihali o ntse o nkoa e le mohato o moholo o ka tlišang phetoho e ntle moruong oa Lesotho le bophelong ba baahi.



# Sechaba se imona monoana

## Nthabeleng Seitlheko

**S**echaba sa Khalahali tlas'a Ntšang Catchment se kopane ka boithaopo ho etsa mesebetsi ea ho tsosolosa mobu, ka sepheo sa ho loantša tšenyō ea lefatše. Tsena li bile metseng ea Thata-Peli le Maneheng ka la 27 Mesa monongoha.

Mokanselara oa Thota-Peli Electoral Division, Mabuthi Mokhathi, o netefalitse litaba tsena ka le reng ka lebaka la lipula tse nang ka matla ho bonahala ho taboha ho holim'a lefats'e ho bakang khoholeho ea mobu masimong.

O re taba ena e khoholeha e sa sebetsoe e tlo ama tlhahiso ea lijo, le ho bona hore bokamoso sebakeng sa sechaba se tlang eba bo matla. Ke boikarabelo ba bohle ho sireletsa tikoloho ea bona.

Mokhathi o re morero ona o qalileng ka 2024 o ile oa susumetsoa ke kotsi e neng e beha bophelo ba sechaba kotsing, moo mangope a neng a hola a atamela matlo a batho, le ho beha malapa kotsing le ho senya tikoloho. O itse sena se ile sa etsa hore sechaba se kopane, 'me se nke mehato ea ho thibela ho tsoela pele ha keketseho ea mangope.

Mokhathi o hlalositse hore ka tšebeliso ea sechaba, e tšehelisoeng ke morero oa Regeneration of Landscapes and Livelihoods (ROLL), litho tsa sechaba li fana ka lihora tse peli habeli ka beke, ho aha meaho ea ho laola mekhahlelo ea mobu.

O boetse a re sechaba sa metse ea Thota-Peli le Maneheng se tlositse lime-la tse kenang ka hare ho makhulo, 'me sa qala merero ea ho lema lifate tsa litho-loana.

Ho ea ka Mokhathi, morero ona o se o bontša liphetho tse ntle, kaha o thusa ho tsosolosa tikoloho ha o ntse o ntlafatsa bophelo ba batho mahaeng ka taolo e tsitsitseng ea mehloli ea tlhaho. "Lilemong tse peli tse fetileng, re bone litho-loana tsa boiteko ba rona ha re kotula liapole tsa pele morerong ona." Ho boletse eena.

Leha ho le joalo, o boletse hore mathata a kang ho senngoa ha makhulo le ho senngoa ka boomo ha merero ea sechaba a ntse a sitisa tsoelo-pele.

Mokhathi o itse sechaba se ile sa angoa hampe ke masholu a senyang le



ho ntša metso ea lifate tsa litho-loana tse fetang 1,500, ha tse ling li ile tsa senngoa

ke liphoofole. O khothalelitse litho tsa sechaba ho sireletsa merero e joalo, haholo

nakong eo naha e ntseng e loanela ho rarolla bothata ba tšenyō ea lefatše.

Ka lehlakoreng le leng, e mong oa litho tsa sechaba, Thabang Sepakhela, o itse baahi ba ikemiselitse ka botlalo ho tsosolosa tikoloho ea bona ea tlhaho. Sepakhela o re ho tloha ha mosebetsi oa ho tsosolosa o qala, ho se ho bonahala ntlafatso, moo mefuta e meng ea joang e neng e le haufi le ho fela e qala ho hlaha hape. O boletse hore sechaba se se se utloisisa bohlokoa ba ho sireletsa mehloli ea tlhaho, 'me se ikemiselitse ho netefatsa hore morero ona o tsoela pele ka katleho.

Ntšang Catchment e tšehelisoeng ke morero oa ROLL, o phatlalalitseng mesebetsi ea ho tsosolosa tikoloho metseng ea Khalahali, Thota-Peli le Maneheng.

## DMA e ithophela nako tsa tlokotsi

### Nthabeleng Seitlheko

**M**ookameli e Moholo oa Setsi sa Taolo le Thibelo ea Likoluo (DMA), Reatile Eliase, o re boitšoaro ba kopolo (simulation exercise) bo ileng ba etsoa bekeng e fetileng Hlotse, bo hlalositse mathata a mangata ao ba tlamehang ho sebetsana le 'ona kapele. Ore sena se tla qobella DMA hammoho le Sehlopha sa Taolo ea Likoluo sa Setereke (DDMT) le Sehlopha sa Karabelo ea Litoropong (UPRT) ho nka mehato ka nako.

O boletse sena ha a bua le lihlooho tsa mafapha kopanong ea ho koala boitšoaro boo, e neng e le karolo ea morero oa Urban Preparedness Project Phase II, o neng o tšoareletse Hlotse, Leribe, ka Mantaha.

O hlalositse hore boitšoaro bona bo ba thusitse ho utloisisa hantle mehato e lokelang ho lateloa ha ho ka hlaha koluo, haholo-holo likhohola, a re DMA e bapala karolo ea bohlokoa ho pholoseng bophelo ba batho. Eliase o ile a leboha sehlopha sa Simex ka ho seka-seka boitšoaro boo ho latela lipheo tsa bona.

Ka lehlakoreng le leng, Motsamaisi oa Setereke sa Leribe, Letsema Khalanyane, le eena o ile a bontša kananelo ea hae ka ho nka karolo ha CEO tšebetsong ena. O totobalitse hore ha koluo e hlaha, ho bohlokoa

hore marena le makanselara ba tsebisoe ka nako.

Khalanyane o phethetse ka hore DDMT e lula e le malala-a-laotsoe ho sebetšana le likoluo, ka tataiso le tlhokomelo ea CEO le basebetsi ba DMA seterekeng.

Ha a bua kopanong eo, Motsamaisi oa Early Warning and Preparedness, Mamonyaku Koloti, o itse sepheo sa boitšoaro e ne e le ho leka kamoo melaetsa ea temoso ea maemo a leholimo a feteletseng e ka phatlalatsang kateng, ho kenyeletsoa le ho romella litsebiso ho tloha ho Lesotho Meteorological Services (LMS) le tlhahisoleseling ea metsi ho fihlela sechabeng, haholo libakeng tse angoeng haholo ke likhohola.

O boetse a re boitšoaro boo bo ne bo reretsoe ho leka ho buloa ha Setsi sa Tšebetso ea Maemo a Tšohanyetso sa Setereke ka nako, hammoho le ho lekola mathata a boitšoaro le puisano a ka bakang ho se mamele kapa ho tsilatsila nakong ea tšohanyetso.

Qetellon, o totobalitse bohlokoa ba tšebeliso-'moho lipakeng tsa mekhatlo e fapakaneng e kang DDMT, UPRT, marena a litoropong le mekhatlo ea liphallelo ha ho arabela likoluo le litlamorao tsa tsona.

A bua ka Leribe e le setereke sa teko morerong ona, o itse boitšoaro bo tsamaile hantle, kaha e le lekhetlo la pele bo etsoa, leha ho le joalo, a bontša hore litšenyehelo tsa boitšoaro bo joalo li phahame.

"Boitšoaro bona ke

mosebetsi o hlokang tšebeliso-'moho le boitlamo hore o atlehe." Ho boletse eena.

Moemeli oa World Food Programme (WFP), Mokotla Ntela o itse morero oa Urban Preparedness o qalile ka lebaka la litlamorao tsa COVID-19, 'me o sebelisoa linaheng tse kang Lesotho, Mozambique, Madagascar le Zimbabwe.

O re mekhatlo e ka sehloohong e hokahanyang morero ona ke DMA, Lekala la Ntšetsopele ea Sechaba, Lekhotla la Toropo ea Maseru le Lekala la Puso ea Libaka.

H'a bua ka mehato e tlang, moemeli oa Lekala la Bophelo, Khotso Mahomo,

o itse mohato oa pele ke ho ntlafatsa moralo oa ho itokisetsa likhohola ho latela liphuputso tse fumanoeng.

A boela a re ho bohlokoa ho fana ka koetliso e khethileng mabapi le tšebetso ea Setsi sa Tšebetso ea Maemo a Tšohanyetso le ho rera boitšoaro bo latelang bo tla shebana haholo le taolo ea tlhahisoleseling.

E mong oa lihlooho tsa mafapha, Motlatsi Nketsi, o itse ho bohlokoa hore ho be le tekanyetso ea chelete bakeng sa maemo a tšohanyetso, a re thuso ea liphallelo e lokela ho eketsa holim'a tse seng li le teng. Morero oa Urban Preparedness o etelletsoe pele ke DMA.

**Our Shirts**

**Timeless Designs. Tailored Confidence.**

**Wear your power**

Place your order


**Mazenod Tailoring**  
Professional Tailors for Men

TEL: +266 28 350 814  
 WhatsApp: +266 50757585  
 Email: tailoring@mazenodprinting.co.ls  
 Facebook as Mazenod Tailoring

PHYSICAL ADDRESS:  
 MAZENOD, HA PAKI  
 OPPOSITE POST OFFICE



# MOB Kidds Edutainment




**Across**

- 4 Mareho a ke keng a baleha ka bonngoe. (6-4)
- 5 Seletsa se letsoang ke balisana ha likhomo li oroha. (6)
- 6 Ho etsoa sekheqe ntlheng ea tsebe ea phoofolo. (8)
- 8 Se etsoa ka lekolokoti le lesika, se letsoa naheng ke balisana ha ba ntse ba lisitse. (10)
- 10 'Moko le masapo a kokonoang ke batho ba baholo ba lelapa ha ho hlabiloe khomo ho entsoe morero. (5)

**Down**

- 1 Ho sehoa lehlakore le ka tlaase la tsebe ho kenelloa har'a tsebe. (11)
- 2 Nama e phehiloeng e khabetsoe, ea anehoa ebe e jeoa e le joalo. (10)
- 3 Seletsoa se entsoeng ka morits'oana oa letsopa o phuntsoeng lesoba ha tlamelloa letlalo la nku le ntse le le metsi le tlositse boea. (6)
- 4 Mareho a tsamaeang le boikutlo ba motho (6-5)
- 7 Seletsa se entsoeng ka lehlaka la noka le lesika, lehlaka lea kojoa ebe lesika le tlamelloa mahlakoreng a lehlaka. (6)
- 9 Ho pongoa ntlha ea tsebe ea phoofolo ebe ea tlosoa. (6)

**Likarabo tsa Puzzle MOB 94-4632**





# TSA KEREKE

## Ba phatlalatsa bahalaleli



### Tšeliso Thakholi

**B**ahlophisi ba Letsatsi la Lefatše la Bacha ba Kereke e Katholike, ba phatlalalitse lethathamo la bahalaleli ba bahlano bao ba reng ke bona ba tlang ho tataisa bacha bakeng sa boitokisetso ba mokete o moholo oa Letsatsi la Lefatše la Bacha, le tlang ho tšoareloa Seoul, South Korea ka la 3 ho isa la 8 Phato isao, tlas'a mohoo o reng: "E ba sebete! Hoba ke hlotse lefatše." Jhn 16:33.

Bahalaleli ba na bao bahlophisi ba reng ka lebaka la lithoriso le ho pholosa sechaba lintoeng tsa bona tsa bophelo tsa letsatsi ka leng, ke Mopapa John Paul II ea Halalelang eo e bileng e le eena mothehi oa Letsatsi la Lefatše la Bacha, Mohalaleli Andrew Kim Taegon eo e bileng moshoe-la-tumelo oa Kereke ea pele ea Korea, Mohalaleli Francis Xavier Cabrini ea tsebahalang haholo ka mesebetsi ea hae e mengata, Mohalaleli Josephine Bakhita eo ka bophelo ba hae a ileng a bontša tumelo linakong tsa mahlomola, le mohalaleli e mocha haholo Carlo Acutis oa mehleng ea hajoale.

Ba re khetho ena ba e entse ba ipapisitse le mokete ona o moholo o tletseng lerato, 'nete le khotso o tlang ho tšoareloa Seoul isao. Ba re mohoo ona o tsoang Mangolong a Halalelang, ho pharalla le lefatše ka bophara o nyalana hantle le bophelo bo bakiloeng ke lintoa ka ho falla, bokhoba le liphephetso tsa mekhoha ea sejoale-joale e leng tsona tse lumellanang le linnete tseo bacha ba bangata ba tobaneng le tsona kajeno.

Ba re bahalaleli ba bapala karolo e kholo, ea bohlokoa bakeng tsa ho matlafatsa boitokisetso ba moea ket-sahalong ena e kholo. "Bahalaleli ke bahlokomeli ba bohlokoa ba letsatsi ka leng boitokisetsong ba letsatsi la Lefatše la Bacha." Ba rialo ba bile ba eketsa ka hore ka mehla bahalaleli ba mema bacha, bahlophisi le baprista ho inahana ka botebo ka pitso ea bolumeli le ea lenyalo.

Ba re bahalaleli ba khothaletsa ho arabela ka sebete ho latela Kriste ea hlotseng lefatše joalokaha mohoo o bolela. Ba ipiletsa ho bacha hore e se e ka ba ka kenoa ke moea oa bahalaleli bana, le ho susumetsa bacha lefatše ka bophara, haholo-holo ba libakeng tse

tjamatsoeng ke mathata a fapakaneng a lithoriso, ho ela hloko hore khalalelo ha se ntho e hole ka ho tsepamisa mahlo ho Kriste le ho bula liatla ho arabela pitso ea hae.

"E mong le e mong bahalaleli bana o fana ka tsela ea ho phela ka tumelo le linnete tikoloholong ka bophara, tseo bacha ba lokelang ho phela ka tsona." Ba boletse joalo ba bile ba qetela ka hore bacha ba tla fumana mehlala ea bophelo ba bona ho bahalaleli bana, ka leeto la ho itokisetsa letsatsi la Lefatše la Bacha le ho theha likamano tsa 'nete tse tebileng tsa moea le bona.

Letsatsi lena e tla be e le la pele la ho ketekoa naheng e tlalehoang e le e 'nyenyane ka ho fetisisa ea bokriste tikolohong ea Asia. Le ne le phatlalatsoe ke Mopapa Francis Sehlalong sa 'Missa se neng se koala la selemo sa 2023, Lisbon hore le tla tšoareloa South Korea isao, 'me e tla be e le la pele le tlang ho etelloa pele ke Mopapa Leo XIV kamor'a lefu la Mopapa Francis ka 2025.

### 2025-2026 SELEMO A

#### SONTAHA SA 5 SA PASEKA



Liketso 6:1-7

Pesalema 32

1Peterose 2:4-9

Joannes 14:1-12



### Khothatso

#### Jesu ke tsela, 'nete le bophelo

**L**ithuto tseo re li balileng kajeno li matla ka boraro ba tsona, 'me re tšoanetse ho li nka ka bonngoe.

Ea pele e nkiloe bukeng ea Liketso tsa Baapostola 'me e re bontša lebaka la ho khetha badiakone, ke hore batlatsi ba baapostola. Tsena li etsahetse Jerusalem, kamorao ho Pentekonta. Palo ea balumeli e ne e eketseha ka letsatsi le letsatsi. Ba ne ba rekisa ntho tsohle tsa bona 'me ba ne ba arolelana maruo a bona kamoo e mong le e mong a neng a hloka ka teng, 'me ka tsatsi le leng le leng, mafutsana a ne a ngoatheloa lijo. Ka baka la bongata ba bahloki, baapostola ba ne ba ime-loa ke mosebetsi ona oa ho abela batho lijo; ba ne ba se na sebaka sa ho phetha litšoanelo tse ling tse kholo tsa bona, joaloka ho rapela le ho khothatsa. Joale ho ile ha khetha banna ba supileng, ba ileng ba fuoa boikarabelo ba ho aba lijo.

Mohlala ona oa baapostola ba neng ba sa rate ho ime-loa ke tsa lefatše o'a re khothatsa le rona ba phelang mehleng ea kajeno. Ke hangata haka-kang re imeloang ke mesebetsi ea mefuta-futa, e meholo kapa e se nang thuso, e re tlamang kapa e sa re tlameng hakaalo, 'me re ipotsa hore na re tšoanetse ho etsa joang, hobane re sitoa ho e kopa kaofela. Joaloka baapostola, re tšoanetse ho hlahloba mesebetsi eohle le ho bona hore na e meholo, 'me e re tlamang ho feta e meng ke efe. Ka hona ho ka ba molemo ho kopa thuso ea ba bang ho phetha mesebetsi e meng e re haellang ke baka la ho phatahahana.

Ruri baapostola ba re file kajeno mohlala oa bohlokoa, hobane ha re hlahloba seo ba se entseng, re fumana hore ha b'a ka ba ikhethela mesebetsi o bonolo, ba siela ba bang o thata, empa ba ile ba ikhethela mesebetsi o thata o neng o ba tlama ho feta.

Hantle-ntle, baapostola ba ne ba khannoa ho etsa joalo ke Moea o Halalelang. Ba ne ba utloisisa hore ba tšoanetse ho anetsa tumelo eo ba neng ba e fumane ho Kriste, 'me kamorao ho libeke tse seng kae, karolo e kholo ea baahi ba Jerusalem e ne e inehetse ho Kriste, e lumela ho Jesu, Mora oa Molimo.

Ha re nka thuto ea bobeli, e leng karolo ea lengolo le leng la Moapostola Peterosi, re utloa hore rona bakriste re bililitsoe ho ba bahalaleli, hobane Kriste o re entse bana babo le majalefa a leholimo. Peterosi o bua le rona ka papiso, o re: Kereke, ntlo ea thapelo eo re kenang ka ho eona, ke moaho o entoseng ka majoe a mangata a behiloeng hantle le leng holim'a le leng, 'me ntlo ena ea thapelo ke setšontšo sa Kerke e phelang, e leng kopano ea bakriste le Jesu. O re: e mong le e mong oa rona ke lejoe le phelang. Majoe ana a phelang a behiloe hantle, le leng holim'a le leng, 'me a ahiloe holim'a lejoe la motheho e leng Kriste. Ha majoe ana a ntse a kopane hantle, kaofela hammoho a etsa ntlo ea Molimo, empa haeba ka bomalimabe lejoe le leng le ka khephoha lerakong, lejoe lena ha le sa na thuso. Ho feta moo, ho khephoha ha lona ho sisinya lerako kaofela.

Ka papiso ena, Peterosi o re bontša boikarabelo ba rona mabapi le bakriste ba bang. Re etsa moaho o le mong le bona, 'me haeba re hloka botšephehi, ha se rona feela ba ipehang kotsing ea ho lahleha, empa re liha batho ba bang ka bongata. Efela ntlo kaofela e ka 'na ea oa, ka baka la lejoale le le leng le khephohileng. Sebe sena se bitsoa sa khopiso: ke ha motho a sisinya tumelo ea ba bang ka mehlala kapa ka meqoqo ea hae e fosahetseng.

Evangeling ea kajeno e tiisa seo re se utloileng ha e sa le, ho tlhoa ka Paseka. Jesu ke Mora oa Molimo, ke Molopolli oa rona: re tla pholoha ha re kopana le eena 'me re etsa ntho e le 'ngoe le eena. Re lumela ho eena joaloka baapostola; re mo mamela joaloka barutuo ba Emmaus, ha a qoqa le rona tseleng ea bophelo; re be linku tse mamelang tsa mohlape oa hae; re phehelle thapelong re kopane le eena; re tsamae leseling la hae kamehla. Mantsoe ana kaofela a re bontša kamoo re tšoanetseng ho ikopanya le Kriste kateng.

Joale, kajeno, Jesu o re: ke 'na tsela, 'nete le bophelo. Ke 'na tsela eo le lokelang ho tsamea ke eona, ke 'na tsela ea leholimo, tsela e le isang ho Ntate eo e leng Ntate'a lona. Ke 'na 'nete, 'nete eohle, 'nete e hloekileng e se nang ke seriti sa thetso, 'nete e phethehileng eo le e nyoretsoeng. Ke 'na bophelo ba lona, bophelo ba lehlohonolo, bo khanyang, bo sa feleng.

### Bahalaleli har'a Beke

- 4 Motšeanong Florian
- 5 Motšeanong Brito
- 6 Motšeanong Evodius
- 7 Motšeanong Flavius
- 8 Motšeanong Wiro
- 9 Motšeanong Hermas

# LDF e khutla e apere nkoa

## Tšeliso Thakholi

**M**afelong ana a beke ho tliil' o lubeha ha sehlopha sa sekoating Ha Ratjomose e leng LDF 'Sohle Sohle', se ntse se loanela maemo a sona kahar'a lihlopha tse robeli tse ka holimo lokong, se tla be se boetse se thulana le sa Matlama 'Tse Putsoa', papaling e etelang pele tse peli tsa ho qetela tsa Liki e Kholo lebaleng la Ha Ratjomose, Maseru, ka Moqebel o oa la 3 Motšeanong monongoaha.

Le ka 'na la otlala le phaella haeba Matlama e ka boela ea hlola LDF kamor'a ho e paputla 2-1, mokhahlelong oa pele oa lipapali tsa liki o neng o bapalloa hona Ha Ratjomose, Maseru, ka la 28 Loetse ngoahola. Matlama e kena papali ena e le maemong a bobeli ka lintlha-khola tse 54, ha LDF e le maemong a bosupa ka lintlha-khola tse 45. Matlama e ntseng e le letšolong la ho hapa liki, selemong sena ha e'a bapala hantle litlholisanong tsa Mohope oa People's Cup tse bileng Mantšonyane mafelong a beke a sa tsoa feta.

Lipapali tse na bobeli ke tsa bohlokoa haholo ho lihlopha ka bobeli, kaha LDF e batla ho tsitsa kahar'a lihlopha tse robeli tse ka holimo, ha Matlama e batla hoba bo-mpoli ba selemo sena ba Liki e Kholo ea Vodacom, e le hore ba tle ba tsebe ho ea emela Naha ea Lesotho lipapaling tsa machaba isao.

Libapali tsa lihlopha ka bobeli li itšupile lipapaling tsa mokhahlelo oa pele oa liki hore li na le boiphihlelo bo boholo papaling ea bolo ea maoto, 'me ho loanela liki kapa ona maemo a borobeli nakong ena eo liki e seng e haba ho fela ha se potele e khoathoang ka lehlaka. Lihlopha tse na li bapetse papali e ntle haholo selemong sena, le hoja LDF e phahametse mapoqo ha letsatsi le haba ho likela.

Ho hloloa ke Matlama lekhetho la bobeli e tliil' o ba sehlabi se sehloho ho LDF, 'me tšepo ke hore e tliil' o loana ea khumamela ho hapa papali ena. Ka lehlakoreng le leng Matlama le eona e ke ke ea lumela ho hloloa ha bobebe, kaha e bile e e-na le tšehetso e matla haholo ea barati ba eona, ba eang mabaleng ka bongata bo hlolang! Matlama e tla be e behile tšepo ea eona e kholo ho sethiba-thibane sa eona sehloahloa, e bile e le sethiba-thibane sa se-

hlopha sa naha, Leluma Mofoka, ha LDF e tla be e lebeletse hore libapali tse kang Katleho Makateng, Koete Mohloai le Tšepo Toloane ho etsa mosebetsi o tsoileng matsoho. Hona lebaleng la Ha Ratjomose, papali e 'ngoe e tliil' o ba matla haholo ke e tlo ba lipakeng tsa LUFC le Liphakoe.

Ho sa le joalo, lihlopha tse peli tse neng li qeta ho kena lihlopheng tse kholo e leng Members le Maroala, li maoto li oka litlhabela! Li haufi haholo le ho lumelisa liking e kholo li khutlela mokhahlelong oo li tsoang ho ona oa A Division. Lihlopha tse na li hula ka boima haholo, li leng maemong a bo 15 le 16 ka tatellano.

Potso eo barati le batšehetsi ba bolo ba atisang ho ipotsa eona kamehla ke ea

hore ebe lihlopha tse na ho tliile joang hore ebe li kene liking e kholo, ka maemo aa a hloabaetsang a tsona? Na li ne li ithlophile ho lekana hore li tla fela li tiisetse leb-

atama le chesang haholo la Liki e Kholo ea Vodacom?

Motšehetsi e mong oa Members o sa tsoa kho-robohelo ha bohloko kamor'a hore Members e kha-

khathoe ke Manonyane 5-1 ka hore Members e hloka tšehetso e le hore e tle e tsebe ho tlatsetsa ka libapali tse seng li tseba lebatama la Liki e Kholo. Na hoo ho bolela hore Members ha ena libapali tse nang le boiphihlelo? Karabo ke che!



## Bo-ralitebele b'a itokisa

### Tšeliso Thakholi

**M**okhatlo oa Lesotho oa Litebele (LeAB) o kene tšebetso e boima haholo ea ho itokisetša ho tla theha mokhethoa oa naha oa banna le basali, ba tla tseba ho emela Naha ea Lesotho lipapaling tsa Machaba tsa Commonwealth tse tla tšoareloa Dakar, Senegal, ka Mphalane monongoaha, ba se ba bile ba kenyelelitse le tsa Youth Olympic Games tse tla ba ka 2028.

Puisanong le Raliphatalatso oa LeAB Monghali Taole Letšasa o itse hajoale ba sa ntse ba ena le lethathamo leo ba tlang ho hloaea mokhethoa oa naha ho lona, 'me boimeng ka bong ba se ba ntse ba e-na le libapali tse peli ho isa ho tse tharo. A re ba ke ke ba khetha hang hang, "hobane

re baleha taba e mona eo o tla fumana sebakali ha se qeta ho khethoa se kena kahar'a mokhethoa oa naha, eba se se se phomola ha se sa koetla ka matla." A rialo.

A re ba batla hore ba hloisane ho fihlela motsotsong oa ho qetela pele ba tsamaea ho ea lipapaling tsa Commonwealth, e le hore ba tle ba tsebe ho khetha banna le basali ba nang le boiphihlelo ba ipabolang ka makhabane a bona papaling ea litebele. A re mafelong a beke a sa tsoa feta ba bile Eastern Cape naheng ea Afrika Boroa, moo ba neng ba il' o bapala lipapali tsa setsoalle tsa machaba, 'me batla ba sebelitse hantle haholo. "E ntse e le ho ntšetsa pele boitokiso ba bona." A supa hore ba khethile Eastern Cape, hobane e le eona e ba tlang e ipabola haholo ka papali ea litebele naheng ea Afrika Boroa.

"Sepheo sa mokhatlo oa

heso ke ho bopa sehlopha se matla se ke keng sa hloa ke sefe kapa sefe litlholisanong tse na tsa Commonwealth, se tla be se tsebe ho fetela lipapaling tsa li Youth Olympic Games ka 2028." A rialo a bile a supa hore ba boetse ba na le sebakali se seng se hona Eastern Cape, e leng Rapelang Masilela ea seng a e-na le khoheli a ikoetlisa teng, e ntse e le ho matlafatsa boitokiso ba bona.

Libapali tse na tseo Mokhatlo oa Lesotho oa Papali ea Litebele o tlang ho khetha mokhethoa ho tsona li tsoa literekeng tsohle tsa Lesotho. E le ho holisa le ho matlafatsa papali ea litebele kahar'a naha. Letšasa o boletse hore hona le lenane leo ba le thakhotseng le LSRC ho theha lihlopha tsa papali ea litebele likolong tsa mathomo le tse phahameng. A etsa mohlala ka Sekolo se Phahameng sa

Leqe, moo ba seng ba qalile ho theha lihlopha tse seng li ntse li tsoela pele ka makhethe a maholo.

A tiisa hore khoheli ea papali e 'ngoe le e 'ngoe e qala baneng ba lilemo li tlaase e le ho ithlahisetsa sethopo sa kajano le kamoso, e tsoe maele a Sesotho a re: "thipa e otolloa e sa le metisi." A re ba motlotlo haholo haele mona ba ntse ba atleha ho qala ho koetlisa bana papali ea litebele ba sa le banyenyane lilemong, e le hore e tle e re ha ba se ba le baholo ba be ba ena le litsebo tse khethelileng tsa papali ea litebele.

A ipiletsa ho batsoali bohle ho lokolla bana ho tla papaling ena ea litebele, kaha e le ea tse ling tse nang le bohlokoa bo boholo bophelelong ba bona ba letsatsi ka leng. Mokhatlo oa Lesotho oa Papali ea Litebele (LeBA) o thehiloe lilemong tsa bo 2008 ka sepheo sa ho phahamisa moea oa lerato la papali ea litebele naheng ea Lesotho.



# Basali ba fokola ho Chess

## Tšeliso Thakholi

**P**alo ea basali le banana ba bapalang Chess kahar'a naha e bonahala e nntse e qepha selemo le selemo. Sena se hlalosa ke Raliphatlalatsa oa Mokhatlo o Tsamaisang Papali ea Chess Lesotho, Lieketseng Makhalemele o re sesosa ke mekhoha le meetlo ea Basotho, moo hangata ngoana oa ngoanana a holisoang ka tsela eo a lebelletsoeng hore o tla hlokomela lelapa, a tinngoa monyetla oa ho kena lipapaling joaloka oa moshanyana.

O re Naha ea Lesotho ha e tšoane le linaha tse ling moo bana ba banana ba tla be ba holisoa ka mokhoa oa hore ba be le lerato la lipapali. "Mona habo rona bashanyana ha ba fihla ba tsoa sekolong ba il'o bapala bolo, empa ngoanana ho tla thoe a hlatsoe lijana, a fiele katlung ho be makhethe. Bana ba na ba hola ka eona tsela ena, 'me meetlo ea rona e

kentse letsoho le toma hore ngoana oa ngoanana a hole a sena thahasello ea lipapali." A rialo.

O re banana ba hola ba hloka bolokolohi bo lekaneng ba hore ba be le lerato la ho bapala. "Ngoana oa ngoanana eena o joetsoa hore ae sekolong, a ithute a sebetse hantle a fumane mosebetsi a tsebe ho tla hlokomela lelapa. Ke hona moo oa moshanyana a nang le nako e ngata ea ho bapala." O boletse joalo.

A bontša hore ngongoreho ena ea lipalo tse fokolang haholo tsa basali lipapaling, ha se papaling ea Chess feela, empa bohola ba lipapali tse teng kahar'a naha basali ba ntse ba fokola ka palo. "Banna ba ntse ba le bangata ho ba feta, ke ka lebaka lena ba qetellang ba se ba bile ba tsamaisa le tsona tsa basali." O cho joalo.

A re bona e le komiti e ntseng e le ncha haholo litulong ba khathatsehile haholo ke boemo bona kahar'a papali ea Chess, kaha li nonyetsa papali. Ka hona, ba se ba ntse ba tliil'o etsa



maoala a ho hohela basali ho tla ka bongata papaling ea Chess, le ho ba kenya moea oa lerato la papali ena. A tiisa hore papaling ea Chess banana le bashanyana ba na le monyetla e tšoanang, ha ho khethollo

ea letho, etsoe e mong le e mong a itšebeletsa ka talenta ea hae.

A ipiletsa ho sechaba sa Basotho ho hlahloba bocha mekhoha le meetlo, e hlophisang bana ba banana le basali bolokolohi ba ho

kena lipapaling ba sa ntse ba le lilemong tse tlaase. A boela a ipiletsa ho banana le basali hoba sebete, ho se lahle tšepo ha ba hlotsoe litlholisanong tsa Chess, le hoba le moea oa tlhoho kahare ho bona.

# Pitso ke sethiba-thibane se hloahloa

## Tšeliso Thakholi

**P**itso ke sethiba-thibane se hloahloa. Sethiba-thibane sa sehlopha sa bolo ea maoto ea basali sa Emmanuel Queens se tliil'o kena Liking e Kholo ea Basali e leng Lineo Pitso, o fumane khau kamor'a ho khethoa e le sethiba-thibane se hloahloa sa lipapali tsa makhaola-khang tsa Women's Promotional Play-offs, tse neng li tšoaretsoe Setererekeng sa Mohale's Hoek ka

la 25 'Mesa monongoaha.

Katleho ena e tle kamor'a ho sebetsa ka boitelo le lerato, e leng tsona tse ileng tsa khahla bohlophisi ba lipapali tsona, 'moho le ba neng ba sebetsa le bona ho hloaea libapali ho late-la makhabane a tsona. Ka hona sena se tlatsetse khahala ena morolo o moholo le matla a hore ha liki ea selemo se secha sa 2026/2027 ha e qala o tliil'o sebetsa ka thata ho feta pele.

Pitso o bonahatse a qalile lipapali tsona ka boitelo bo bohola a bile a khannoa ke lerato leo a ratang sehlopha

sa habo ka teng, 'me a ipolella hore o tla sebetsa ka thata mekoallong ea Emmanuel Queens hore ho se be le ntsha le e le 'ngoe feela e tla kena, haholo-holo ho makhaola-khang. Ho feta mona, har'a lintho tse ngata tseo barati le batšehetsi ba sehlopha ba li lebeleletseng ho eena, ke ho bona a tsoela pele ho bapala papali e tsoileng matsoho le ho bona sehlopha se hapa liki ka tšebetso ea hae e ntle.

Ba bang ba ikhapetseng likhau tsona tse neng li tšehelitsoe ke Letona la mhleng la Lipapali Dr. Mahali



Phamotse, ke Seithati Mari-be ho hlaha sehlopheng sa Majantja Ladies le 'Mateboho Ntšihlele ho tsoa ho Emmanuel Ladies, bao e bileng bona bo-mohlaba-lintlha ba hloahloa ka ho hlaba lintlha tse 'ne sebakali ka seng. Joalokaha e ka ha hooa lekana, 'Mateboho Ntšihlele a boela a khethoa e le sebakali se hloahloa sa litlholisanano.

Libapali tsona li bontšitse hore ho hapa likhau tse ngata hakana ha se ka bohlale ba bona, empa ke ka thuso le tšehetso ea libapali tse ling le bakoetlisi ba bona. Ka hona ba kopa hore tlotla e kholo e tle e lebisoe ho libapali le bakoetlisi. Ba

leboha bohle ba ileng ba ba thusa hore e tle e be bona bahloli.

Ho sa le joalo, sehlopha sa basali sa tikolohong ea Qoaling Setererekeng sa Maseru, Emmanuel Queens ke sona se tliil'o kena Liking e Kholo ea Basali isao, kamor'a ho ipabola ka ho tete-ka lihlopha tsohle tseo se neng se qothisana lehlokoa le tsona. Sehlopha sena kamor'a ho bapala lipapali tse hlano se hlahile boemong ba pele ka ho bokeletsa lintlha-kholo tse 12, bobeling ea eba Eagles ladies, borarong ke Majantja Ladies, boneng ea eba Sehlabathebe Lillies ha ea ho qetela e bile Mopeli HS Ladies.

